



O‘ZBEKISTON RESPUBLIKASI NAMANGAN VILOYATI
UCHQO‘RG‘ON TUMANI HOKIMINING
Q A R O R I

2021 - yil 27 - noyabr

407-6-87-Q/21

Uchqo‘rg‘on tuman hokimligi

Ўзбекистон Республикаси Президентининг “Аҳолига тиббий хизматлар кўрсатиш сифатини яхшилаш ва соғлиқни сақлаш соҳасида кадрлар салоҳиятини оширишга оид қўшимча чора-тадбирлар тўғрисида” 2021 йил 11 ноябрдаги ПҚ-6-сонли ва шу ҳақидаги вилоят ҳокимининг 2021 йил 19 ноябрдаги 364-6-0-Q/21-сонли қарорлари ижроси ҳақида

Ўзбекистон Республикаси Президентининг “Аҳолига тиббий хизматлар кўрсатиш сифатини яхшилаш ва соғлиқни сақлаш соҳасида кадрлар салоҳиятини оширишга оид қўшимча чора-тадбирлар тўғрисида” 2021 йил 11 ноябрдаги ПҚ-6-сонли ва шу ҳақидаги вилоят ҳокимининг 2021 йил 19 ноябрдаги 364-6-0-Q/21-сонли қарорлари ижросини туманда самарали ташкил этиш мақсадида, Ўзбекистон Республикаси “Маҳаллий давлат ҳокимияти тўғрисида” ги Қонунининг 6 ва 25- моддаларига асосан,

Қ А Р О Р Қ И Л А М А Н:

1.Ўзбекистон Республикаси Президентининг “Аҳолига тиббий хизматлар кўрсатиш сифатини яхшилаш ва соғлиқни сақлаш соҳасида кадрлар салоҳиятини оширишга оид қўшимча чора-тадбирлар тўғрисида” 2021 йил 11 ноябрдаги ПҚ-6-сонли ва шу ҳақидаги вилоят ҳокимининг 2021 йил 19 ноябрдаги 364-6-0-Q/21-сонли қарорлари ижро учун қабул қилинсин.

2.Ўзбекистон Республикаси Президентининг мазкур қарори билан:

Молия вазирлиги мазкур қарорнинг 1-бандига мувофиқ ажратилаётган маблағларни Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликларининг асосланган талабномаларига ҳамда белгиланган ставкага кўра қайтариш шарти билан 3 йилдан кўп бўлмаган муддатга уларга бюджет ссудаси сифатида ажратиши, бунда, Молия вазирлиги кредит маблағларини республика ихтисослаштирилган илмий-амалий тиббиёт марказларини замонавий тиббий ускуналар билан жиҳозлашга ва етакчи хорижий тиббий муассасаларда уларнинг мутахассислари малакасини оширишга ҳам йўналтириши мумкинлиги;

белгиланишича:

Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари тегишли ҳудудий соғлиқни сақлаш бошқармалари билан биргаликда хатлов ўтказиш асосида ҳар бир ҳудуд ва муассаса кесимида тиббий ускуналарга бўлган эҳтиёжни аниқлаши ҳамда ссуда маблағлари ҳисобидан харид қилинадиган ускуналар рўйхатини Соғлиқни сақлаш вазирлигига келишиш учун киритиши;

Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари келишилган рўйхатга асосан тиббий ускуналарни харид қилиши, бунда,

ушбу жараёнга “O‘zmedimpeks” масъулияти чекланган жамияти агент сифатида жалб қилиниши мумкинлиги;

тиббий ускуналарни харид қилиш бўйича техник топшириқлар ва тендер ҳужжатлари “Лойиҳалар ва импорт контрактларини комплекс экспертиза қилиш маркази” давлат унитар корхонасида (кейинги ўринларда - Марказ) комплекс экспертизадан ўтказилиши;

Қорақалпоғистон Республикаси Вазирлар Кенгаши Раиси, вилоятлар ва Тошкент шаҳар ҳокимлари ажратилаётган ссуда маблағларининг самарали ва мақсадли ишлатилиши ҳамда ўз вақтида қайтарилишига шахсан масъул ҳисобланиши;

хорижда малака оширадиган тиббиёт ходимлари рўйхати Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари томонидан танлов (конкурс) асосида шакллантирилиши ҳамда Ўзбекистан Республикаси Президентининг 2021 йил 5 майдаги ПФ-6221-сон Фармони билан ташкил қилинган Иқтидорли ва малакали тиббиёт мутахассисларини қўллаб-қувватлаш ҳамда тиббиёт муассасаларига жалб қилиш бўйича ишчи гуруҳи томонидан белгиланган тартибда тасдиқланиши;

Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликларига ҳудудлардаги тиббиёт муассасалари мутахассисларининг етакчи хорижий тиббий муассасаларда малакасини ошириш мақсадида Марказда комплекс экспертизадан ўтказиш шарт билан тўғридан-тўғри шартномалар тузишга рухсат берилиши;

Давлат туман (шаҳар) ва вилоят тиббиёт муассасаларининг моддий-техника базасини мустаҳкамлаш ва кадрлар салоҳиятини ошириш бўйича “Иўл харитаси” иловага мувофиқ тасдиқланганлиги;

Давлат туман (шаҳар) ва вилоят тиббиёт муассасалари учун замонавий тиббий ускуналар харид қилиш ҳамда улардаги мутахассисларнинг етакчи хорижий тиббий муассасаларда малакасини ошириш учун Тикланиш ва тараққиёт жамғармаси ҳисобидан Молия вазирлигига унинг талабномаларига асосан 2021-2022 йилларда 100 млн АҚШ долларигача эквивалентдаги миллий валютада йиллик 2 фоиз ставкада кредит маблағлари ажратилганлиги, бунда, ушбу маблағлар Молия вазирлигининг талабномалари тақдим этилган санадан бошлаб 3 йил муддатгача берилиши белгилаб қўйилганлиги эътиборга олинсин.

3.Туман ҳокимининг ўринбосари (С.Турсунов) туман тиббиёт бирлашмаси (Р.Ибрагимова) билан биргаликда хатлов ўтказиш асосида ҳар бир ҳудуд ва муассаса кесимида тиббий ускуналарга бўлган эҳтиёжни аниқласин ҳамда ссуда маблағлари ҳисобидан харид қилинадиган ускуналар рўйхатини дастлаб туман ҳокимлиги билан келишган ҳолда Соғлиқни сақлаш бошқармасига келишиш учун киритсин;

келишилган рўйхатга асосан тиббий ускуналарни харид қилсин, бунда, ушбу жараёнга “O‘zmedimpeks” масъулияти чекланган жамияти агент сифатида жалб қилиниши мумкин;

тиббий ускуналарни харид қилиш бўйича техник топшириқлар ва тендер ҳужжатлари “Лойиҳалар ва импорт контрактларини комплекс экспертиза қилиш маркази” давлат унитар корхонасида (кейинги ўринларда - Марказ) комплекс экспертизадан ўтказилсин;

ажратилаётган ссуда маблағларининг самарали ва мақсадли ишлатилиши ҳамда ўз вақтида қайтарилишига шахсан масъул этиб белгилансин;

худудлардаги тиббиёт муассасалари мутахассисларининг етакчи хорижий тиббий муассасаларда малакасини ошириш мақсадида Марказда комплекс экспертизадан ўтказиш шarti билан тўғридан-тўғри шартномалар тузишга рухсат берилсин;

Ўзбекистон Республикаси Президентининг 2021 йил 11 ноябрдаги ПҚ-6-сон қарори билан тасдиқланган туман тиббиёт муассасаларининг моддий-техника базасини мустаҳкамлаш ва кадрлар салоҳиятини ошириш бўйича “Иўл харитаси”да белгиланган тадбирларни ўз вақтида бажарилишини таъминласин.

4. Мазкур қарорнинг ижросини самарали ташкил қилишга масъул ва шахсий жавобгар этиб туман ҳокимининг ўринбосари С.Турсунов, туман тиббиёт бирлашмаси бошлиғи Р.Ибрагимова ҳамда туман молия бўлими Б.Холмирзаевга белгилансин.

5. Мазкур қарорнинг ижросини муҳокама қилиб бориш, ижро учун масъул ташкилотлар фаолиятини мувофиқлаштириш ва назорат қилиш туман ҳокимининг ўринбосари С.Турсунов зиммасига юклансин.

Туман ҳокими



А.Вахобов